



Ўзбекистон Республикаси Вазирлар Маҳкамасининг 2017 йил 29 декабрдаги 1036-сонли қарори тўғрисида

Ўзбекистон Республикаси Президентининг 2017 йил 24 майдаги 11К-3001-сонли қарори билан тасдиқланган Мехнат органлари фаолиятини янада такомиллаштириш ва аҳоли бандлигини таъминлаш бўйича комплекс чора-тадбирлар дастурининг 5-банди ижросини таъминлаш, шунингдек, янги иш ўринлари ташкил этиш ва аҳолини иш билан таъминлашда фаол иштирок этаётган иш берувчиларни ижтимоий рағбатлантиришнинг самарали механизмларини яратиш юзасидан қабул қилинган Ўзбекистон Республикаси Вазирлар Маҳкамасининг 2017 йил 29 декабрь кунги 1036-сонли ҳамда вилоят ҳокимининг 2018 йил 10 январ кунги 9-сонли қарорлари ижросини таъминлаш мақсадида.

Қ А Р О Р К И Л А М А Н:

1. Ўзбекистон Республикаси Вазирлар Маҳкамасининг 2017 йил 29 декабрдаги "Янги иш ўринлари ташкил этиш ва аҳолини иш билан таъминлашда фаол иштирок этаётган иш берувчиларни ижтимоий рағбатлантириш чора-тадбирлари тўғрисида"ги 1036-сонли ҳамда вилоят ҳокимининг 2018 йил 10 январ кунги 9-сонли қарорлари раҳбарлик ва ижро учун қабул қилинсин.

2. Ўзбекистон Республикаси Вазирлар Маҳкамасининг мазкур қарори билан: Ўзбекистон Республикаси Бандлик ва меҳнат муносабатлари вазирлиги, Савдо-саноат палатаси, Ўзбекистон Касаба уюшмалари Федерацияси Кенгаши Қорақалпоғистон Республикаси Вазирлар Кенгаши, вилоятлар ва Тошкент

Ўзбекистон ёшлар иттифоқининг:

2018 йилдан бошлаб янги иш ўринларини фаол ташкил этаётган, шунингдек, аҳолини иш билан таъминлаётган иш берувчиларга нисбатан рағбатлантириш чора-тадбирларини қўллашни назарда тутувчи "Ижтимоий масъулият ва самарадорлик" рейтинг тизимини жорий этиш;

жорий этилаётган "Ижтимоий масъулият ва самарадорлик" рейтинг тизими доирасида амалга оширилаётган чора-тадбирларни Ўзбекистон Республикаси Бандлик ва меҳнат муносабатлари вазирлигининг Бандликка қўмаклашиш давлат жамғармаси ва Савдо-саноат палатасининг маблағлари ҳисобидан молиялаштиришни ташкил этиш;

иш берувчилар ўртасида "Ижтимоий масъулият ва самарадорлик" республика ва ҳудудий танловларини (кейинги ўринларда танлов деб аталади) ҳар йили ўтказиш тўғрисидаги таклифлари қабул қилинганлиги;

Янги иш ўринлари ташкил этиш ва аҳолини иш билан таъминлашда фаол иштирок этаётган иш берувчиларнинг рейтингини аниқлаш, шунингдек, уларга ижтимоий рағбатлантириш чораларини қўллаш тартиби тўғрисидаги низо

иловага мувофиқ тасдиқланганлиги маълумот учун қабул қилинсин.

3. Ўзбекистон Республикаси Бандлик ва меҳнат муносабатлари вазирлиги, Савдо-саноат палатаси, Ўзбекистон Касаба уюшмалари Федерацияси Кенгаши, Ўзбекистон ёшлар иттифоқи билан биргаликда:

а) иш берувчиларнинг иш ўринлари ташкил этиш ва уларни сақлаш, аҳолини ишга жойлаштириш, ходимлар учун муносиб меҳнат шaroитларини таъминлаш бўйича фаолиятини баҳолаш натижалари асосида уларнинг рейтингини тузиш методикасини икки ой муддатда ишлаб чиқишни ва тасдиқланиши;

б) ҳар йили 15 декабрда "ТОП-100" энг яхши юзта ташкилот рейтингини оммавий ахборот воситаларида эълон қилинишини ва ушбу ташкилотларга (иш берувчиларга) тегишли сертификатлар берилишини таъминланиши;

в) "Ижтимоий масъулият ва самарадорлик" республика танлови ва ҳудудий танловлар тўғрисидаги низо

ларни бир ҳафта ичида тасдиқланиши ҳамда унда:

танловда иштирок этиш учун ахборот такдим этиш шакллари; танлов ғолибларини танлаш мезонлари; танловни ўтказиш ва унинг ғолибларини мукофотлаш тартиби; танловни ўтказиш билан боғлиқ, бошқа тадбирларни амалга ошириш тартиботларини белгилаш назарда тутилиши инobatга олинсин.

Қуйдагилар белгилаб қўйилганлиги маълумот учун қабул қилинсин:

а) республика танлови қуйидаги номинацияларда ўтказилади:

"Иш ўринларини ташкил этгани ва аҳолини ишга жойлаштиришни ривожлантиргани учун";

"Меҳнатни самарали муҳофаза қилгани ва ишлаб чиқаришда хавфсиз меҳнат шaroитларини яратгани учун";

"Ижтимоий шериклини ривожлантиргани учун";

"Ташкилотда ёшларга оид фаол сиёсатни амалга оширгани учун";

б) ҳудудий танловлар номинациялари тегишли ҳудудни ижтимоий-иқтисодий ривожлантиришнинг устувор вазифаларидан келиб чиққан ҳолда, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари томонидан белгиланиши;

в) танловларни ўтказиш тадбирлари танлов ташкилотчилари томонидан молиялаштирилиши.

4. Шаҳар ҳокимининг ўринбосарлари (У.Каримов, Ш.Каримов) шаҳар Бандликка қўмаклашиш маркази (Ш.Махмудов), Касаба уюшмалари ташкилотлари бирлашмаси Кенгаши, Савдо-саноат палатаси шаҳар ҳудудий бўлими (И.Маматханова), Ўзбекистон Ёшлар иттифоқи шаҳар Кенгаши (А.Абдильазов), тегишли шаҳар идоралар ва ташкилотлар ҳамда хўжалик бирлашмалари билан биргаликда:

қарор билан тасдиқланган Янги иш ўринлари ташкил этиш ва аҳолини иш билан таъминлашда фаол иштирок этаётган иш берувчиларнинг рейтингини аниқлаш, шунингдек, уларга ижтимоий рағбатлантириш чораларини қўллаш тартиби тўғрисидаги низо талаб ва мезонларидан келиб чиқиб, ўрнатилган тартибда иш ташкил этилишини;

ҳудудий танловларнинг юқори ташкилий савияда ўтказилишини ва ғолибларнинг республика танлови номинациясига белгиланган тартибда

тақсим этилишини таъминласинлар.

5. Алоқа ва ахборотлаштириш бошқармаси (Ж.Каримов) “Вилоят компьютерлаштириш маркази” давлат унитар корхонаси (С.Махмудов) иш берувчилар ўртасида ўтказиладиган “Ижтимоий масъулият ва самарадорлик” ҳушудий танлови тўғрисидаги эълонларни вилоят ҳокимлигининг ҳамда тегишли вилоят бошқармаларининг расмий веб-сайтларига жойлаштирилишини таъминлаштиги маълумот учун қабул қилинсин.

6. Мағбулот ва ахборот бошқармаси билан биргаликда, “Рухсор” телерадиокомпанияси (Н.Аскарлов), “Фарғона тонги” рўзномаси тахририяти (Р.Орипов) оммавий ахборот воситалари орқали ушбу қарорнинг мазмун ва моҳиятини тартиб этилишини, шунингдек танловларнинг кенг ёритилишини ташкил этиш, уларнинг иштирокчилари ва ғолиблари ўртасидаги ахборот материалларини Республика ва маҳаллий оммавий ахборот воситаларида жойлаштириш тавсия этилсин.

7. Мазкур қарорнинг бажарилишини назорат қилишни шаҳар ҳокимининг биринчи ўринбосари У.Каримов ҳамда шаҳар Бандликка қўмақлашнинг маркази бошлиғи Ш.Махмудов зиммасига юклансин.

Шаҳар ҳокими

Ш.Эркабоев

